

## ILUARSIISSUT

Aalajangiiffigisassatut siunnersuut 4. Marts 2016-imeersoq taarserpaa  
(Oqaatsit ataasiakkaat allangortinneqarput)

**Inuup sananeqaataasa ilisarnaataannik qitiusumik nalunaarsuiffik pillugu inatsisip  
atuutilersinneqarneranik peqqussutissamut siunnersuut aamma inuup sananeqaataasa  
ilisarnaataannik qitiusumik nalunaarsuiffik pillugu inatsisip, eqqartuussisarneq pillugu  
inatsisip aamma qamutirik assakaasulinnik nalunaarsuisarneq pillugu inatsisip  
allangortinneqarnerannik inatsimmi § 1-ip Kalaallit Nunaannut  
atuutilersinneqarneranik peqqussutissatut siunnersuummut (Naalagaaffinnik Den  
Europæiske Unionip avataneersunik inuup sananeqaataasa ilisarnaatai, pussuit ipaasa  
assilineqarnerinik aamma qamutit pillugit paasissutissanik paarlaateqatigiittarneq)  
Namminersorlutik Oqartussat oqaaseqaateqarnissaat pillugu Inatsisartut  
aalajangiiffigisassaattut siunnersuut.**

(Pinngortitamut, Avatangiisinut Inatsisinillu Atuutsitsinermut Naalakkersuisoq)

**Saqqummiussineq**

(Pinngortitamut, Avatangiisinut Inatsisinillu Atuutsitsinermut Naalakkersuisoq)

**Siullermeerneqarnera**

Nuannaarutigalugu Naalakkersuisut sinnerlugit aalajangiiffigisassatut siunnersuut manna  
saqqummiuppara. Siunnersuut Qitiusumik Dna-mut Nalunaarsuiffimmut inatsit pillugu  
peqqussutissamut aamma Qitiusumik Dna-mut Nalunaarsuiffiup siunissami  
allangortinneqarnissaanut peqqussutissamut tunngasuvoq.

Qitiusumik Dna-mut Nalunaarsuiffik pillugu peqqussut atuutilerpat politiit pinerluutinik,  
soorlu toqutsinernik, kinguaassitutigut pinngitsaaliinernik meeqqanullu  
kannguttaatsuliornernik, misilittakkat malillugit pinerluuteqartup amerlanertigut timimik  
sananeqaataasa ilaannik qimatsiffigisartagaannik misissuinissamut periarfissaat  
pitsaanerulissapput.

Ullumikkut politiit suliani aalajangersimasuni dna-mut misissugassanik tiguisinnaapput,  
taakkulu pinerluutinik misissuinermut paasiniaanermullu atorsinnaavaat. Dna-mut  
nalunaarsukkat suliani aalajangersimasuni toqqorneqartarput, qitiusumik nalunaarsuiffimmut  
toqqorneqaratik. Taamaalilluni pinerluuteqartoq pinerloqqippat, politiit pinerluttumik  
ujaasinerminni dna-mut nalunaarsugaasimasut atorsinnaanngilaat. Peqqussut Inatsisartuni  
akuerineqarpat, siunissami politiit Qitiusumik Dna-mut Nalunaarsuiffimmi  
ujaasisinnaalissapput pinerluttorlu nassaarisinnaalissallugu.

Dna-mut Nalunaarsuiffik politiit pinerluuteqarsimasunik misissuisarnerminni  
paasiniaasarnerminnilu iluaqutigisorujussuusussaavaat.

Peqqussutissatut siunnersuutip aappaa Qitiusumik Dna-mut Nalunaarsuisarfik pillugu inatsimmi aalajangersakkamik, suli Danmarkimi atuutilinngitsumik imaqarpoq. Maleruagassat Danmarkimi atuutileripata, peqqussut Kalaallit Nunaannut atuutsinneqalissaaq. Taamaalilluni dna-mut nalunaarsuisarfimmik, Kalaallit Nunaannut, Savalimmiunut Danmarkimullu ataatsimoortumik atuussinnaasumik peqalernissaa qulakkeerneqassaaq.

Naalackersuisunit taamatut oqaaseqarluta immikkoortoq Inatsisartuni suliassanngorlugu tunniupparput.